

# OLIVA NOVA

## Asociacion Galega da Muller

A.G.M. de Ferrol decidimos levar a rua iste boletin, atendemos que non fiquese soio, co fin de nos comunicar convosco mulleres de Ferrol para que todas coñozamos o que nos acontece, as nosas necesidades e os nosos problemas.

Xa vai sendo hora de cas mulleres teñamos a nosa via de expresion dado que nos medios de comunicacion oficiais e patriarcais somos nova de letra miuda e non moi abundosa.

Tencionamos pois con iste boletin facer chegar a nosa voz, informacios e opinions. Atendendo a vosa colaboracion pra que seña de todas.

Dirixete o Apdo. de Correos 344

FERROL



## un tema pra falar...

O ABORTO. A pesares do que semelle non e un tema novo, inaque escomenzou a estares nas lexislacios dos países e nas reivindicacios feministas a partires dos 60. Mais podese decir co feito da interrupcion voluntaria do embarazo e moito mais vello.

Xa aparez como tal en Grecia e Roma, as veces condeado e as veces admitido, tamen incruso denantes.

No seculo XVII hai condeas por praticas abortivas en Inglaterra, enton non tiñan ise nome.

Mais os metodos caseiros pra que "baixara a regla" despois dun mes ou dous de retraso eran correntes entre as mulleres do pobo.

Temos que supoñer que nisto coma na meirande parte das cousas o oscurantismo que supon na cultura occidental a Eda de Media sepultou no esquecemento as tenicas mais ou menos avanzadas.

Isto non e un feito casual nin aillado. O prohibires a investigacion sobor de ciencias coma a menciña, a astronomia e incruso a fisica e a quimica tiveron moito que deberlle a expansion da cultura catolico-roman ou xudeo-cristian por o orbe occidental.

Nembargantes a infruencia distas tardou en asentarse e cabe supoñer que as mulleres do pobo, as que non eralles doado entreres nistos mecanismos da nova cultura e que sin duida tiñan moi arraigado o seu marco na natureza seguirian co uso de herbas e practicas mecanicas pra interrumpir os embarazos. De feito, nalguns intres deberon existir, inaque hoxe non se fale delas un xeito de lexislacios, cicais non escritas mais si coñecidas, cando incruso a igrexa oficial, por unhos beizos coma os de Santo Tomas de Aquino ocupase de estabrecer co novo ser tera "alma"; si e home despois dos coarenta dias da conception, e despois dos noventa si e muller (o sexa as mulleres tiñamos menos alma cos homes daquela)

Longo foi o camiño deica hoxe, mais non e latricar de valdeiro lembrar co tema non e nin tan novo, nin tan tabu coma moitos pretendem.

Defeito tampouco esta demais lembrarlles os bempensantes, hoxe tan abraiados polo tremoso tento de despenalizacion cativa do Aborto nos casos de perigro para a muller; malformacios do feto, violacion... duas cousiñas que esquenzen arreo. Unha. Ca sexualidade das mulleres non ten coma fin a procreacion sinon a relacion ou ben o pracer, si amais diso algunhas mulleres eleximos ter fillos e unha decision nosa, xa que por o de agora somos nos quenes temos que soportar os nove meses de embarazo e mais o parto, e de ningun xeito pode seres ista unha decision social, nin doutras mulleres, e moito menos dos homes, craro.

Outra. Co Aborto hoxendia soio esta penalizado, en Europa, no Estado Español, Irlanda e Portugal, isto tampouco e unha casualidade, xa falamos denantes do oscurantismo medieval, nalguns estados ainda ficou mais tempo.

Unha cousa e o pan e outra as papas, inaque nas duas haxa fariña. Legalizala interrupcion do embarazo non e obrigar a ninguem a abortar, sinon reconocer a realidade de milleiros de mulleres que vense na obriga de facelo en condicions de perigro para a sua vida, ou ter que sair o extranxeiro xa que non somes merecentes cas leises do estado nos teñan en conta.



# asi fumos noticia

## ● ABORTO NO CONSELLO DE MINISTROS

Despénalizacion do Aborto nos casos seguintes (C.P. Art. 417b§  
leiro. Perigo para a vida o a saude da muller.  
Podese practicar sin linde de tempo  
2º Por violacion denunciada  
Praticase dentro das 12 primeiras semans  
3º. Probabilidade de taras graves fisicas o  
Psiquicas no feto.  
Praticabel dentro das 22 primeiras semans

## ● AS MULLERES SEGUIMOS FORA

Pidindo a legalizacion e a interrupcion voluntaria do embarazo sin restrincios, manifestaronse o dia dous de Febreiro duas mil mulleres en Barcelona e seiscentas en Madri. Berraronse consignas coma istas: "Nos parimos, nos decidimos" "Aborto libre e gratuito"...

## ● NIN AS LEIS NIN A IGREXIA OS CONDEAN...

O venres 28 de xaneiro unha rapaza de 16 anos facia Auto-stop sobor das 20,30 horas a saída dunha discoteca en Lasarte cando foi recollida por tres homes que no lugar de levar para sua casa en Hernani desviaronse a unhas obras onde a violaron. Foi atoupada por os seus pais o sabado as 11 horas da maña semiincosciente no lugar dos feitos...

## varios.

### UNHA PELICULA PARA OLLAR

" As Irmans Alemanas "

Guion e direcion. Margarethe von Trotta  
Fotografia . Franz Rath  
Musica . Nicolas Economou  
Interpretes . Jutta Lampe  
. Barbara Sukowa  
. Rudiger Vogler

(1.981)

Segundo Margarethe von Trotta a pelicula e unha sintesis das duas dirixidas denantes por ela "O segundo despertar de Christa Kagles" e "Irmans"

Argumento: Basada en feitos reais; os da morte en estranas circunstancias de Gudrun Ensslin, componente de la Baader-Meinhoff. Dende a prespectiva da sua irma Christiane ( Marianne e Julianne no filme) fai unha lembranza da sua nenez e mocidade moi marcadas ambaladuas por a segunda guerra e por un pai intransixente e eclesiastico que vailles dar as suas relacios unha evolucion na contradicion entre as discrepancias ideoloxicas e a afectividade.

En xeral as criticas presentan a pelicula coma moi interesante e de contido feminista.

